

魚

總集類

晚唐詩鈔




10252

十千詩隲選訂

晚唐詩鈔

栖鳳閣藏板





海鹽胡遜叟先生合有唐一代文詩以十籤部分之其戊籤迺晚唐以至閏唐諸又詩也洵稱觀

矣夫唐以詩進取竭士子畢生之才力專精攻治于一途人各有集無待言也向使人人之集完好無恙不幾盈架充棟乎今自戊籤論之傳其人者殆滿百餘家傳其詩者多或數百首少或數十首或止於一首二首自樊川玉溪金筌丁卯松陵玉山都官江東諸集而外他可數也夫竭一生之才力所傳僅此尚忍有所去取予奪其間令古人之精神至於銷藏漸滅耶顧其中有足傳者有不足

虎房寺少

一

十

傳者有足傳而傳者有不足傳而亦傳者因是而知亦有不傳其足傳者此固有幸與不幸歟夫傳其足傳起後人之仰止企羨無疑迺亦傳其不足傳後之人不曰此古人之敗鱗片甲也而曰其聰明才力止於此非夫至幸之中又有大不幸者歟莫若存其皆足傳者使多者生向若之歎少者有冀幸不可得見之思詎不善夫此非余與可亭鈔晚唐之詩之私意也凡自昔操選者之意皆如是也其專鈔晚唐何也余自去秋被放鬱鬱不暢意思影鍵戶於河西之竹園可亭承祖母重不入聞



過從抵掌之暇出戎籤共讀之互有甲乙因排纂成集也又以爲一代各有一代之詩自漢魏而下莫盛於唐可知也中之不如盛晚之又不如中亦可知也匪獨才力不及其聲韻格律有遞降者焉譬之於味初盛五穀也中則嘉餽脾臑也晚則山珍海錯也以養生言詎不知五穀之貴於嘉餽嘉肴之急於珍錯由人情言之口未嘗珍錯則心舐以爲幾虛過此生迨至嘗之又嘗之知其果不可以爲常羞也而饜芻豢飽稻粱又向有所外慕哉然則斯鈔也盡天下之竒味以足於口其諸人情所欲得先嘗之者與癸未長至後二日錢塘夢

晚唐詩鈔序

二

十千詩

紹乾書

凡物之舊者皆可以貌取而新者不能以假爲譬
之古鼎尊壘瓶盞之類加以煉濯飾以青黃一旦
攜之入肆盲者未辨真贋昂其價而售之矣至於
錦繡纂組雕繪之屬非拔尤選萃窮日月極技巧
則爲之不工也雖欲一彷彿之庸可得歟詩之學
亦然詩莫備于有唐三百年自初盛之渾雄變而
爲中唐之清逸至晚則光芒四射不可端倪如入
殿人之室謁天孫之宮文彩機杼變化錯陳密麗
若溫李奧峭若皮陸奩秀條暢若韓薛韋羅大舍
細入無不鑿之方心實殿三唐之逸響著兩宋之
先鞭者也所謂錦繡纂組雕繪之屬非工力之巧
者孰克爲之若塗澤字句摹寫聲律左初盛者未
免有吳下充頭之誚矣故與其古而僞毋寧近而
真嘗見世之自命老師宿達者心冥靈犀目眩四
庫偶檢唐宋一二編未曾終卷輒搦管吟哦遽號
于人曰某爲唐詩某爲宋詩不幾使盲者昧于心
而明者昧于目耶今際

熙朝聲歌之盛遠軼前代萬幾之暇輒引詞臣入
直賦詩凡士子偕計京師者偶有片牘之佳無
不拔置青雲之表可爲鼓吹休明鈞陶萬類者矣

凡例

今天子右文稽古詩教大宣自三公六卿文學侍從之臣無不鼓吹休明彬彬大雅然自漢魏唐宋以迄金元而後各隨風氣遷流支分派別但邇年以來習尚頗與唐代開成太和之間最爲逼近是選遂始晚唐從此溯流而上則由中盛以臻漢魏雖上薄風騷不難矣茲鈔殆嚆矢歟

是編余與凌子自春徂夏共相選訂鈔綴以爲讀本初未嘗有意付梓也初秋二三同學閱而樂之云宜公之同好因爲編次得二十六卷其次第悉本戊籤人各綴以小傳氏族爵里外有典核可助詞人談柄者錄之餘悉刪削

嘗見選家分體序詩者雖篇什瞭然未免凌雜今悉依戊籤原本各完一人體製似更完善或一詩既載於甲復入於乙者亦爲訂正以免訛謬

戊籤採集一百七十餘家詩惟古今體製爲多如六言長短句各體雖十餘家間有之然可鈔錄者無幾他如段柯古與張善繼昇上人輩聯吟諸詩以及皮陸平仄雙聲藥名人名各體此係詞家游戲筆墨非大雅所尚也概不選錄

凡例

一

十千詩

杜紫微李玉溪温八义三人詩允爲晚唐諸家之冠選訂各有百餘篇列之卷首共得七卷其餘諸家即甚夥者皆不滿百首與諸人共編之至皮陸之詩與衍弘博另成一家二人各選百篇自占一卷便讀者觀摹也

晚唐自錢珣曹松諸人之後卽爲殘唐其南唐先後主李氏蜀後主王氏以及吳越主錢氏統籤不系之以帝王之列而附於戍籤中然所存缺略卽或有一二未免多哀怨繁亂之音概爲刪逸非遺漏也

凡例

二

十

殘唐人自杜荀鶴始編爲四卷如韋端已羅昭諫諸公駸駸大雅矣若王周劉兼諸人各選俱不載入唐人集中今考其世次殆爲五代末時入宋無疑矣因前收入悉存其舊

戍籤一書搜羅略無遺漏但卷帙浩繁較閱爲難詩中字畫差謬甚多余與凌子息心參考其全文仍遵考異而註中一作某字於每字下者悉存之其或非是者竟爲刪定

或問余晚唐人如閨秀方外之詩何以概不錄乎蓋余與凌子所鈔者原本戍籤若閨秀方外之詩

胡氏辛壬二籤之書具在今概不附入恐蹈得一漏萬之譏也又戊籤中有百七十餘家而止收百十餘家者存其詩非存其人也如周曇咏史詩二卷最爲劣陋即全刪之不爲刻也

戊籤於正集之外旁搜逸句以爲粒珠片玉亦宜珍惜也然全璧正多錄其一二反使人有不見全豹之憾是以去之

是編意欲仿宋人刊本字畫疎密中少具錯落之致今杭郡刻工得傳者甚少倘強而行之未免有壽陵餘子之誚然較之坊刻頗有可觀若近日吳趨新樣亦得其大略耳

凡例

三

十千詩

昔孔子刪詩述商周之際上自生民元鳥下迄于陳千五六百年之間存付一于三百可謂嚴矣而吳季札觀周樂歌詩自周南以下皆能聽其聲音之遲速本其憂思之近遠以審其得失而決其廢興故余以爲古之知詩者莫如吳季子然季子自鄒以後無譏而孔子刪詩雖曹陳猶有存焉不以其國之小政之微而不之取而三百篇初不傳作者姓氏又不設題著所以作詩之義微子夏小序幾不知其詩爲何事而作又况其旨遠其情深其辭婉而諷非聖人誰能明之然則季子之知詩又

不如孔子之知詩也余讀唐詩至開成太和以降未嘗不屢廢而嘆唐有天下三百年當其盛時文人才士傑然鋒起洗綺靡之餘習開渾噩之高風其高出魏晉不懈而及于古幾浸淫乎漢氏已及其中衰百川東之日趨于海雖以大力者挽之而不足遂至於一往不返者其故何也蓋唐季雄藩之分據寇盜之縱橫弘才巨手無復開元天寶之盛其或名流間出不過托身幕府遞跡丘園正猶唐魏曹陳其細已甚雖欲振興而不可得高廷禮所謂餘響嚴滄浪以爲小乘禪不其然歟不其然

歟余嘗考其人論其世如韓偓以數辭相位爲朱
溫所逐柳燦徵司空圖圖入見佯墜笏失儀而去
羅昭諫聞梁篡勸吳越舉義而陸天隨優游甫里
方隱居蕭散會稽此數君子者氣節若彼風尚如
此義不得以晚唐詩人目之也余素不知詩年來
與查子可亭凌子子健遊商確今古聞其緒論要
以標詞新俊立意簡遠不戾于風人而止因讀戊
籤取其麗以則者編次二十六卷俾世之讀者知
其人可以論其世論其世然後能頌其詩也然則
嚴羽高棟特勾吳公子郇後無譏之論而是編則

晚唐詩鈔後序

二

十千詩

上法宣聖不廢曹陳之意云爾癸未嘉平月錢塘
楊兆璘題于栖鳳閣

晚唐詩鈔目錄

卷第一

杜牧

五言古七首 七言古二首 五言律二十首
五言排律三首

卷第二

杜牧

七言律二十七首 五言絕四首 七言絕四十三首

卷第三

李商隱

五言古五首 七言古八首 五言律三十六首

卷第四

李商隱

五言排律十二首 七言律四十三首

卷第五

晚唐詩鈔目次

一 十千詩

李商隱

五言絕四首 七言絕五十九首

段成式

七言絕十六首

卷第六

溫庭筠

五言古六首 七言古二十二首 五言律三十首

卷第七

溫庭筠

五言排律四首 七言律二十七首 五言絕二首
七言絕二十首

卷第八

許渾

五言律二十一首 五言排律四首 七言律二十四首
七言絕六首

李羣玉

五言古三首 七言古一首 五言律七首
五言排律一首 七言律六首 五言絕八首
七言絕十二首



卷第九

李遠

五言律二首

七言律二首

雍陶

五言古一首

五言律三首

七言律五首

喻鳧

五言律六首

喻坦之

五言律四首

方干

五言律十三首

七言律二十六首

七言排律二首

卷第十

趙嘏

五言古一首

五言律八首

七言律八首

盧肇

五言絕一首

七言絕二十首

七言律一首

姚鹄

五言律二首

五言排律一首

劉威

五言律三首

孟遲

五言絕二首

晚唐詩鈔目次

二

馬戴

五言古二首

五言律十四首

七言律一首

項斯

五言律十首

五言排律一首

七言律五首

卷第十一

劉得仁

五言律二十首

五言排律四首

七言律一首

儲嗣宗

五言律九首

七言律一首

五言絕二首

司馬札

七言絕三首

五言古五首

七言律一首

劉綺莊

七言絕一首

李善夷

七言絕一首

韓琮

七言古一首

七言律四首

崔珣

七言絕四首

七言律六首

李郢

七言古一首

五言律一首

七言律十首

七言絕六首

劉滄

七言律二十二首

卷第十二

李頔

五言律十首

七言律三首

五言絕一首

于武陵

五言律五首

于鄴

五言律一首

曹鄴

五言古七首

五言律一首

七言律四首

劉駕

五言古七首

聶夷中

五言古十首

于瀆

五言古六首

邵謁

五言古二首

王道

七言絕十首

卷第十三

胡曾

七言律三首

七言絕八首

晚唐詩鈔目次

三

十

張喬

五言律十六首

七言律二首

五言絕二首

許棠

七言絕十一首

五言排律一首

七言律十首

李昌符

五言律六首

周繇

五言律二首

來鵬

七言律三首

七言絕三首

七言絕一首

卷第十四

曹唐

五言律一首

七言律十七首

七言絕三十五首

李南甫

五言律三首

七言律十三首

七言絕四首

羅鄴

七言律十四首

七言絕十二首

卷第十五

薛逢

七言古二首

七言律二十首

七言絕三首

薛能

五言律十四首
七言絕十九首
五言排律一首
七言絕二首
五言排律五首
七言律十首

鄭畋

七言律一首
五言絕一首
七言絕十四首

高駢

顧雲

七言古二首
章碣
七言律四首
七言絕一首
七言絕三首

崔櫓

七言律二首
五言絕一首
七言絕三首

卷第十六

崔塗

五言律七首
七言律三首
七言絕六首

秦韜玉

七言律六首
七言絕一首

周朴

五言律七首
七言絕一首
七言律五首

羅虬

七言絕三十首

晚唐詩鈔日次

四

十于詩

皮日休

五言古十九首
五言律十首
五言絕二首
七言絕五首
七言律三十首

卷第十七

陸龜蒙

五言古二十首
五言排律六首
五言絕十二首
七言古五首
七言律二十七首
七言絕二十首
五言律十五首
七言排律一首

卷第十八

司空圖

五言律九首
七言絕三十七首
七言律五首
五言絕十二首

韓偓

五言古一首
五言絕一首
七言絕十首
外香奩集各體共四十二首
七言律五首
七言律二十二首
五言絕十二首

卷第十九

鄭谷

五言律二十七首
五言絕三首
五言排律二首
七言絕十五首
七言律十九首

唐彦謙

五言律一首

五言排律二首

七言律五首

李洞

五言律八首

五言排律一首

七言律十首

卷第二

唐球

五言律六首

七言律二首

李咸用

七言古三首

五言律十首

五言排律一首

吳融

七言律六首

五言律九首

五言排律八首

高蟾

七言古一首

七言律二十八首

七言絕十三首

卷第二十一

錢珣

五言絕三十五首

王駕

七言絕三首

鄭準

七言律一首

褚載

七言律一首

晚唐詩鈔目次

五

王貞白

五言律五首

七言律二首

七言絕二首

王穀

七言古二首

五言律一首

曹松

五言律十首

七言律八首

五言絕二首

裴說

七言古一首

五言律九首

七言絕二首

蔣吉

五言絕一首

鄭巢

五言律七首

蘓拯

五言古一首

任翻

五言律三首

五言絕一首

七言絕三首

卷第二十二

杜荀鶴

五言律三十三首

七言律二十首

五言絕二首

孟貫

五言律四首

殷文圭

七言律一首

楊夔

五言排律一首
七言絕一首

李建勳

五言古二首
七言律五首
七言律四首

沈彬

七言律五首
七言絕二首
五言律二首
七言絕一首

韓熙載

五言古一首
五言絕一首
七言絕一首
五言律一首

潘佑

五言絕一首
七言絕一首
熊皎

江為

五言律四首
七言絕一首
成彥雄

伍喬

七言律四首
五言絕一首
七言絕十二首

卷第二十三

陳陶

五言古三首
七言律四首
七言古五首
五言絕六首
五言律二首
七言絕十五首

徐鉉

五言古一首
五言絕三首
七言絕十首
五言律十四首
七言律二十四首

晚唐詩鈔目次

六

十干詩

孟賓于

五言律一首
七言律一首
七言絕一首

張泌

七言古二首
七言絕二首
五言排律一首
七言律六首

卷第二十四

李中

五言律十四首
七言律十首
七言絕七首

韋莊

七言古一首
七言律三十六首
五言律十六首
五言絕一首
五言排律一首
七言絕二十八首

卷第二十五

張蠙

五言律二首
七言律四首
七言絕二首

羅隱

七言古一首
五言絕一首
七言絕十七首
七言律九首
七言律三十六首

徐仲雅

七言絕一首
五言律一首
劉昭禹

廖凝

五言律一首
翁承贊

七言絕二首

徐 夔

五言律三首
七言絕二首

七言律二十二首
七言排律一首

卷第二十六

黃 滔

五言律十五首
五言絕二首

五言排律三首
七言律二十首

崔道融

五言絕十首
七言絕六首

林 寬

五言律四首
七言絕二首

譚用之

七言律十一首

王 周

五言律三首
七言絕三首

劉 兼

七言律十一首

晚唐詩鈔目次終

晚唐詩鈔目次

七



晚唐詩鈔卷第一

海寧查 克弘 可亭

錢塘凌 紹乾 子健

楊 兆璘 友三 校

同選

杜牧

字牧之京兆萬年人宰相佑之孫擢進士又舉制科吳武陵以牧阿房宮賦薦王司崔鄭因登第沈傳師廉察江西宣州辟從事又為牛僧孺淮南節度推官掌書記牧在揚州時狹斜無度僧孺潛遣卒護之每夜密報後出示牧戒其節情因感泣後擢監察御史分司東都授宣州團練判官入朝歷膳部比部員外郎並兼史職出牧黃池睦三州復遷司勳吏部員外乞外為湖州刺史徵拜考功郎中知制誥遷中書舍人牧自負才畧喜論兵擬致位公輔以時無右援者快快不平而終為人疎雋不拘細行其詩情致豪邁人號為小杜以別於少陵有樊川集詩四卷外集詩一卷別集詩一卷今選各體共一百零七首

晚唐詩鈔卷第一

獨酌 五古

長空碧杳杳萬古一飛鳥生前酒伴閒愁醉閒多
少煙深誰家寺殷葉暗相照獨佩一壺遊秋豪泰
山小

杜秋娘詩 并序

杜秋金陵女也年十五為李錡妾後錡叛滅籍之入宮有寵於景陵穆宗即位命秋為皇子傅姆皇子壯封漳王鄭注用事誣丞相欲去已者指王為根王被罪廢削秋因賜歸故鄉予過金陵感其窮且老為之賦詩

京江水清滑生女白如脂其間杜秋娘不勞朱粉
施老漢即山鑄後庭千雙睂秋持玉笋醉與唱金

縷衣 勸君莫惜金縷衣勸君須惜少年時花開堪
折直須折莫待無花空折枝李錡長唱此辭 漢既白首叛秋

亦紅淚滋吳江落日渡灞岸綠楊垂聯裾見天子
盼眇獨依依椒壁懸錦幕鏡奩蟠蛟螭低鬟認新
寵窈窕復融怡月上白璧門桂影涼參差金階露
新重間捻紫簫吹

晉書盜開涼州張駿塚得紫玉簫

莓苔夾城路南苑

鴈初飛紅粉羽林仗獨賜辟邪旗歸來黃豹胎饜
飫不能飴咸池昇日慶銅雀分香悲雷音後車遠
事往落花時燕襟得皇子壯髮綠綫綫畫堂授傅
姆天人親捧持虎睛珠絡祿金盤犀鎮帷長楊射
熊羆武帳弄啞咿漸拋竹馬劇稍出舞雞奇嶄嶄
整冠珮侍宴坐瑤池睂宇儼圖畫神秀射朝輝一

晚唐詩鈔卷第一

二

十

尺桐偶人江竟知自欺王幽茅土削秋放故鄉歸
觚稜拂斗極回首尚遲遲四朝三十載似夢復疑
非潼關識舊吏髮已如絲却喚吳江渡舟人那
得知歸來四隣改茂苑草菲菲清血灑不盡仰天
知問誰寒衣一疋素夜借隣人機我昨金陵過聞
之爲歔歔自古皆一貫變化安能推夏姬滅兩國
迺作巫臣妻西子下姑蘇一舸逐鴟夷織室魏豹
俘作漢太平基誤置代籍中兩朝尊母儀光武紹
高祖本係生唐兒珊瑚破高齊作婢春黃縷蕭后
去楊州突厥爲閼氏女子固不定士林亦難期射

鈞後呼父釣翁王者師無國要孟子有人毀仲尼
秦因逐客令柄歸丞相斯安知魏齊首見斷箠中
屍給喪蹶張葦廊廟冠莪危珥貂七葉貴何妨戎
虜支蘇武却生返鄧通終死饑主張旣難測翻覆
亦其宜地盡有何物天外復何之指何爲而捉足
何爲而馳耳何爲而聽目何爲而窺已身不自曉
此外何思惟因此一樽酒題作杜秋詩愁來獨長
咏聊可以自貽

國史補杜秋被棄於家朝饑不給李德裕鎮閩州嘗
安排於道觀與之供給爲人所論被貶時情如此其

貧困可
知矣

題池州弄水亭

晚唐詩鈔卷第一

三

十千詩

弄水亭前溪颭颭翠綃舞綺席草芊芊紫嵐峰伍
伍螭蟠得形勢翬飛如軒戶一鏡奩曲堤萬丸跳
猛雨檻前燕鴈栖枕上巴帆去叢筠侍修廊密蕙
媚幽圃杉樹碧爲幢花駢紅作堵停樽遲晚月咽
咽上幽渚客舟耿孤燈萬里人夜語漫流罾苔槎
饑鳧曬雪羽玄絲落釣餌水鱗看吞吐斷霓天帔
垂狂燒漢旗怒曠朗半秋曉蕭瑟好風露光潔疑
可攬欲以襟懷貯幽抱唵九歌羈情思湘浦四時
皆異狀終日爲良遇小山浸石稜撐舟入幽處孤
歌倚桂巖晚酒眠松塢紆餘帶竹邨蠶鄉足砧杵

塋泉落環珮畦苗差纂組風俗知所尚豪強耻孤
侮鄰喪不相春公租無詬負農時貴伏臘簪瑱事
禮賂鄉校富華禮征行產強弩不能自勉去但媿
來何暮故園漢上林信美非吾土

題宣州開元寺

寺置於東晉時

南朝謝眺城東吳最深處亡國去如鴻遺寺藏煙
塢樓飛九十尺廊環四百柱高高下下中風繞松
桂樹青苔照朱閣白鳥兩相語溪聲入僧夢月色
暉粉堵闌景無旦夕憑欄有今古畱我酒一罇前
山看春雨

晚唐詩鈔卷第一

四

十子寺

題寧州浮雲寺樓寄湖州張郎中

去春踈雨餘同倚朱欄語當時樓下水今日到何
處恨如春草多事與孤鴻去楚岸柳何窮別愁紛
若絮

冬至日寄小侄阿宜詩

小侄名阿宜未得三尺長頭圓筋骨緊兩臉明且
先去年學官人竹馬遠四廊指揮群兒輩意氣何
堅剛今年始讀書下口三五行隨兄旦夕去斂手
整衣裳去歲冬至日拜我立我旁祝爾願爾貴仍
且壽命長今年我江外今日生一陽憶爾不可見

祝爾傾一觴陽德吐君子初生甚微茫排陰出九
地萬物隨開張一似小兒學日就復月將勤勤不
自已二十能文章仕宦至公相致君作堯湯我家
公相家劍珮嘗丁當舊第開朱門長安城中央第
中無一物萬卷書滿堂家集二百編上下馳皇王
多是撫州寫今來五紀強尚可與爾讀助爾爲賢
良經書刮根本史書閱興亡高摘屈宋艷濃薰班
馬香李杜泛浩浩韓柳摩蒼蒼近者四君子與古
爭強梁願爾一祝後讀書日日忙一日讀十紙一
月讀一箱朝廷用文治大開官職場願爾出門去
取官如驅羊吾兄苦好古學問不可量晝居府中
治夜歸書滿牀後貴有金玉必不爲汝藏崔昭生
崔芸李兼生窟卽堆錢一百屋破散何披猖今雖
未卽死餓凍幾欲僵叅軍與縣尉塵土驚動勸一
語不中治笞箠身滿瘡官罷得絲髮好買百樹桑
稅錢未輸足得米不敢嘗願爾聞我語懽喜入心
腸大明帝宮闕杜曲我池塘我苦自潦倒看汝爭
翱翔總語諸小道此詩不可忘

長安送友人遊湖南

子性劇弘和愚衷深褊狷相捨置說中吾過何由

鮮楚國饒風煙湘岸苦縈宛山密夕陽多人稀芳
草遠青梅繁枝低斑笋新梢短莫哭奠魚人酒醒
且眠飯

自宣州赴官入京路逢裴坦判官歸宣州

因題贈 七古

敬亭山下百頃竹中有詩人小謝城城高跨樓滿
金碧下聽一溪寒水聲梅花落徑香繚繞雪白玉
璫花下行縈風酒旆挂珠閣半醉遊人聞美笙我
初到此未三十頭腦彰利筋骨輕畫堂檀板秋拍
碎一引有時聯十觥老閒腰下丈二組塵土高懸
千載名重遊鬢白事皆改惟見東流春水平對酒
不敢起逢君還眼明雲壘看人捧波臉任他橫一
醉六十日古來聞阮生是非離別際始見醉中情
今日送君話前事高歌引劍還一傾江湖酒伴如
相問終老煙波不記程

池州送孟遲先輩

昔子來陵陽時當苦炎熱我雖在金臺頭角長垂
折奉披塵意驚立語平生豁寺樓最鶩軒坐送飛
鳥沒一樽中夜酒半破前峰月煙院松飄蕭風廊
竹交戛時步郭西南繚徑苔圓折好鳥響丁丁小

溪光八八籬落見娉婷機絲弄啞軋煙溼樹姿嬌
雨餘山態活仲秋往歷陽同上牛磯歎大江吞天
去一練橫坤抹千帆美滿風曉日殷鮮血歷陽襄
太守襟韻苦超越鞞鼓畫麒麟看君擊狂節離袖
颯應勞恨粉啼還咽明年忝諫官綠樹秦川濶子
提健筆來勢若夸父渴九衢林馬搥千門織車轍
秦臺破心膽黥陣驚毛髮于既屈一鳴余固宜三
別慵憂長者來病怯長街喝僧爐風雪夜相對眠
一褐暖灰重擁瓶曉粥還分鉢青雲馬生角黃州
使持節秦嶺望樊川祇得迴頭別商山四皓祠心

與樗蒲說大澤蒹葭風孤城狐兔窟且復考詩書
無因見簪笏古訓屹如山古風冷刮骨周鼎列瓶
罍荆辟橫拋撇力盡不可取忽忽狂歌發三年未
爲苦兩郡非不達秋浦倚吳江去檝飛青鷗溪山
好畫圖洞壑深閨闥竹岡森羽林花塢團宮纈景
物非不佳獨坐如韞紉丹鷲東飛來喃喃送君札
呼兒旋供衫走門空踏襪手把一枝物桂花香帶
雪喜極至無言笑餘翻不悅人生直作百歲翁亦
是萬古一瞬中吾欲東召龍伯翁上天揭取北斗
柄蓬萊頂上斡海水水盡到底看海空月於何處

去日於何處來跳丸相趁走不住堯舜禹湯文武
周孔皆爲灰酌此一杯酒與君狂且歌離別豈足
夏闕意衰老相隨可柰何

自貽

五律

杜陵蕭次君遷少去官頻寂寞憐吾道依稀似古
人飾心無彩績剝骨是風塵自嫌如疋素刀尺不
由身

揚州

煬帝雷塘土迷藏有舊樓誰家唱水調明月滿揚
州駿馬宜閒出千金好暗遊喧闐醉年少半脫紫

晚唐詩鈔卷第一

八

十干詩

葦裘

睦州

州在釣臺邊溪山實可憐有家皆掩映無處不潺
湲好樹鳴幽鳥晴樓入野煙殘春杜陵客中酒落
花前

憶齊安郡

平生睡足處雲夢澤南州一夜風欺竹連江雨送
秋格卑常汨汨力學強悠悠終掉塵中手瀟湘釣
漫流

題揚州禪智寺

雨過一蟬噪飄蕭松桂秋青苔滿階砌白鳥故遲
留暮藹生深樹斜陽下小樓誰知竹西路歌吹是
揚州

春日茶山病不飲酒因呈賓客

笙歌登畫船十日清明前山秀白雲膩溪光紅粉
鮮欲開未開花半陰半晴天誰知病太守猶得作
茶仙

不飲贈官妓

芳草正得意汀洲日欲西無端千樹柳更拂一條
谿幾朵梅堪折何人好攜誰憐佳麗地春恨却

悽悽

夜泊桐廬先寄蘇臺盧郎中

水檻桐廬館歸舟繫石根笛吹孤戍月犬吠隔溪
邨十載違清裁幽懷未一論蘇臺菊花節何處與
開樽

代吳興妓春初寄薛軍事

霧冷侵紅粉春陰撲翠鈿自悲臨曉鏡誰與惜流
年柳暗霏微雨蒼愁黯淡天金釵有幾隻抽當酒
家錢

書事

自笑走紅塵流年舊復新東風半夜雨南國萬家
春失計拋魚艇何門化涸鱗是誰添歲月老却暗
投人

曉望

獨起望山色水鷄鳴蓼洲房星隨月曉楚木向雲
秋曲渚疑江盡平沙似浪浮秦原在何處澤國碧
悠悠

旅宿

旅館無良伴凝情自悄然寒燈思舊事斷鴈警愁
眠遠夢歸侵曉家書到隔年湘江好煙月門繫釣

魚船

旅情

宿虛枕簟涼寢倦憶瀟湘山色幾時老人心終日
忙松風半夜雨簾月滿堂霜匹馬好歸去江頭橘
正香

憶歸

新城非故里終日想柴扃興罷花還落愁來酒欲
醒何人初髮白幾處亂山青遠憶湘江上漁歌對
月聽

秋晚江上遣懷

孤舟天際外去路望中賒貧病遠行客夢寃多在
家蟬吟秋色樹鴉噪夕陽沙不擬徹雙髻他方擲
歲華

金陵

始發碧江口曠然諧遠心風清舟在鑑日落水浮
金瓜步逢潮信臺城過鴈音故鄉何處是雲外即
喬林

經闔閭城

遺蹤委衰草行客思悠悠昔日人何處終年水自
流孤煙邨戍遠亂雨海門秋吟罷獨歸去煙雲盡

晚唐詩鈔卷第一

十一

十一

悵愁

春日寄許渾先輩

薊北鴈初去湘南春又歸水流滄海急人到白頭
稀塞路盡何處我愁當落暉終年接鴛鴦霄漢共
高飛

送友人

十載名兼利人皆與命爭青春留不住白髮自然
生夜雨滴鄉思秋風從別情都門五十里馳馬逐
雞聲

雲

東西那有礙出處豈虛心曉入洞庭閣暮歸巫峽
深渡江隨鳥影擁樹隔猿吟莫隱高唐去枯苗待
作霖

題劉秀才新竹

數莖幽玉色曉夕翠煙分聲破寒窓夢根穿綠蘚
紋漸籠當檻日欲礙入簾雲不是山陰客何人愛
此君

往年隨故府吳興公夜泊蕪湖口今赴官
西去再宿蕪湖感舊傷懷因成十六韻

南指陵陽路東流似昔年重恩山未答雙鬢雪飄

然數仞慚投跡群公愧拍肩駑駘蒙錦繡塵土浴
潺湲郭隗黃金峻虞卿白璧鮮貔貅環玉帳鸚鵡
破蠻牋極浦沉碑會秋花落帽筵旌旗明迥野冠
珮照神仙籌畫言何補優容道實全謳謠人撲地
雞犬樹連天紫鳳超如電青襟散似煙蒼生未經
濟墳草已芊緜往事唯沙月孤燈但客船峴山雲
影畔棠葉水聲前故國還歸去浮生亦可憐高歌
一曲淚明日夕陽邊

華清宮三十韻

繡嶺明珠殿層巒下繚牆仰窺雕檻影猶想赭袍

光昔帝登封後中原自古強一千年際會三萬里
農桑几席延堯舜軒墀立禹湯雷霆馳號令星斗
煥文章釣築乘時用芝蘭在處芳北扉間木索南
面富循良至道思玄圃平居厭未央鉤陳裹巖谷
文陛壓青蒼歌吹千秋節樓臺八月涼神仙高縹
緲環珮碎丁當泉暖涵窗鏡雲嬌惹粉囊嫩嵐滋
翠葆清渭照紅粧帖泰生靈壽懽娛歲序長月聞
仙曲調霓作舞衣裳雨露偏金穴乾坤入醉鄉玩
兵師漢武迴手倒于將鯨鬣掀東海胡牙揭上陽
喧呼馬嵬血零落羽林槍傾國畱無路還冤怨有
香蜀峰橫慘澹秦樹遠微茫鼎重山難轉天扶業
夏昌望賢餘故老花萼舊池塘往事人誰問幽襟
淚獨傷碧簷斜送日殷葉半凋霜迸水傾瑤砌疎
風罇玉房塵埃羯鼓索片段荔枝筐鳥啄摧寒木
蝸涎蠹畫梁孤煙知客恨遙起秦陵傷

朱坡

下杜鄉園古泉聲繞舍啼靜思長慘切薄宦與乖
睽壯闕千門外南山午谷西倚川紅葉嶺連寺綠
楊堤迥野翹霜鶴澄潭舞錦鷄濤驚堆萬岫舸急
轉千溪眉點萱牙嫩風條柳幄迷岸藤梢虺尾沙

渚印麕蹄火燎湘桃塢波光碧繡畦日痕緝翠巘
陂影隨晴霓蝸壁爛斑蘚銀筵荳蔻泥洞雲生片
段苔徑繚高低偃蹇松公老森嚴竹陣齊小蓮娃
欲語幽笋稚相攜漢館留餘趾周臺接故蹊蟠蛟
崗隱隱班雉草萋萋樹老蘿紆組巖深石啓閨侵
窗紫桂茂拂面翠禽棲有計冠終挂無才筆謾提
自塵何太甚休笑觸藩羝

晚唐詩鈔卷第一

晚唐詩鈔卷第一

古

晚唐詩鈔卷第二

杜牧詩二

今皇帝陛下詔徵兵不日功集河湟諸

郡次第歸降臣獲覩聖功輒獻歌詠

七律

捷書皆應睿謀期十萬曾無一鏃遺漢武慚誇朔
方地宣王休道太原師威加塞外寒來早恩入河
源凍合遲聽取滿城歌舞曲涼州聲韻喜參差

長安雜題長句六首

觚稜金碧照山高萬國珪璋捧赭袍
砥筆和鈇欺賈馬讚功論道鄙蕭曹
東南樓日珠簾捲西壯天

晚唐詩鈔卷第二

一

十千

宛玉卮豪四海一家無一事將軍攜鏡泣霜毛
晴雲似絮惹低空紫陌微微弄袖風韓嫣金丸莎
覆綠許公韉汗杏粘紅煙生寧窳深東第輪撼流
蘇下北宮自笑苦無樓護智可憐鈇槩竟何功

雨晴九陌鋪江練嵐嫩千峰疊海濤南苑草芳眠
錦雉夾城雲暖下霓旌少年羈絡青紋玉遊女花
簪紫帶桃江碧柳深人盡醉一瓢顏巷日空高

東帶謬趨文石陛有章曾拜皂囊封期嚴無柰睡
留癖勢窮猶爲酒泥慵偷釣侯家池上雨醉吟隋
寺日沉鐘九原可作吾誰與師友瑯琊邴曼容

洪河清渭天池濬太白終南地軸橫祥雲輝映漢
宮紫春光繡畫秦川明草妮佳人鈿朶色風迴公
子玉銜聲六飛南幸芙蓉苑十里飄香入夾城
豐貂長組金張輩馬文衣許史家白鹿原頭廻
獵騎紫雲樓下醉江花九重樹影連清漢萬壽山
光學翠華誰識大君謙讓德一毫名利鬪鼃墓

懷鍾陵舊遊四首

一謁征南最少年虞卿雙璧截肪鮮歌謠千里春
長暖絲管高臺月正圓玉帳軍籌羅俊彥絳帷環
珮立神仙陸公餘德機雲在如我酬恩合執鞭

晚序詩金卷之二

二

十干年

滕閣中春綺席開拓枝蠻鼓殷晴雷垂樓萬幕青
雲合破浪千帆陣馬來未掘雙龍牛斗氣高懸一
榻棟梁材連巴控越知何有珠翠沉檀處處堆
十頃平湖堤柳合岸秋蘭芷綠織纖一聲明月采
蓮女四面朱樓卷畫簾白鷺煙分光的微連風
定翠沾沾斜暉更落西山影千步虹橋氣象兼
控壓平江十萬家秋來江靜鏡新磨城頭晚鼓雷
霆後橋上遊人笑語多日落汀痕千里色月當樓
午一聲歌昔年行樂穠桃畔醉與龍沙揀蜀羅

潤州二首

句吳亭東千里秋放歌曾作昔年遊青苔寺裏無
馬跡綠水橋邊多酒樓大抵南朝皆曠達可憐東
晉最風流月明更想桓伊在一笛聞吹出塞愁
謝眺詩中佳麗地夫差傳裏水犀軍城高鐵瓮橫
強弩柳暗朱樓多夢雲畫角愛飄江北去釣歌長
向月中聞揚州塵土試迴首不惜千金借與君

齊安郡晚秋

柳岸風來影漸疎使君家似野人居雲容水態還
堪賞嘯志歌懷亦自如雨暗殘燈暮欲散酒醒孤
枕鴈來初可憐赤壁爭雄渡唯有蓑翁坐釣魚

晚唐詩鈔卷第一

二二

十于詩島

八月十二日得替後移居雪溪館因題長

句四韻

萬家相慶喜秋成處處樓臺歌板聲千歲鶴歸猶
有恨一年人住豈無情夜涼溪館留僧話風定藕
潭看月生景物登臨間始見願為閒客此間行

題青雲館

虬蟠千仞劇羊腸天府由來百二強四皓有芝輕
漢祖張儀無地與懷王雲連帳影蘿陰合枕遠泉
聲客夢涼深處會容高尚者水苗三頃百株桑

題宣州開元寺水閣閣下宛溪夾溪居人

六朝文物草連空
天澹雲閒今古同
鳥去烏來山色裏
人歌人哭水聲中
深秋簾幕千家雨
落日樓臺一笛風
惆悵無因見范蠡
參差烟樹五湖東

正初酬歙州刺史邢群

翠巖千尺倚溪斜
曾得巖光作釣家
越嶂遠分丁字水
臘梅遲見二年花
明時刀尺君須用
幽處田園我有涯
一壺風煙陽羨里
解龜休去路非賒

道一大尹存之庭美二學士簡於聖明自致霄漢皆與舍弟昔年還往牧支離窮悴竊於一麾書美歌詩兼自言志因成長句

晚唐詩鈔卷第二

四

十千

四韻呈上三君子

九金神鼎重丘山
五玉諸侯雜珮環
星座通霄狼鬣暗
戍樓吹笛虎牙閒
斗間紫氣龍埋獄
天上洪爐帝鑄顏
若念西河舊交友
魚符應許出函關

寄李起居四韻

楚女梅簪白雪姿
前溪碧水凍醪時
雲纍心凸知難捧
鳳管簧寒不受吹
南國劍眸能盼眄
侍臣香袖愛敝垂
自憐窮律窮途客
正劫孤燈一局碁

宣州送裴坦判官往舒州時牧欲赴官歸

京

日暖泥融雪半銷行人芳草馬聲驕九華山路雲
遮寺清弋江邨柳拂橋君意如鴻高的的我心懸
旆正搖搖同來不得同歸去故國逢春一寂寥

早鴈

金河秋半虜弦開雲外驚飛四散哀仙掌月明珠
影過長門燈暗數聲來湏知胡騎紛紛在豈逐春
風一一迴莫厭瀟湘少人處水多菰米岫莓苔

羊欄浦夜陪宴會

戈檻營中夜未央雨沾雲惹侍襄王球來香袖依
稀暖酒凸觥心汎艷光紅絃高緊聲聲急珠唱鋪

圓裊裊長自比諸生最無取不知何處亦升堂

登九峰樓

晴江灑灑含淺沙高低遠郭滯秋花牛歌漁篴山
月上鷺渚鷺梁溪日斜爲郡異鄉徒泥酒杜陵芳
艸豈無家白頭搔殺倚柱遍歸棹何時聞軋鴉

寄唐州李珣尚書

累代功勲照世光奚胡聞道死心降書功筆禿三
千管領節門排十六雙先揖耿弇聲寂寂今看黃
霸事縱縱時人欲識胸襟否彭蠡秋連萬里江

郡齋秋夜即事寄斛斯處士許秀才

有客誰人肯夜過，獨憐風景奈愁何。
邊鴻怨處迷霜久，庭樹空來見月多。
故國杳無千里信，綵絃時伴一聲歌。
馳心祇待城烏曉，幾對虛簷望白河。

殘春獨來南亭因寄張祐

煖雲如粉艸如茵，獨步長堤不見人。
一嶺桃花紅錦點，半溪水碧羅新高。
枝百舌猶欺鳥帶葉，梨花獨送春。
仲蔚欲知何處在，苦吟林下拂詩塵。

冬至日遇京使發寄舍弟

遠信初逢雙鯉去，他鄉正遇一陽生。
樽前豈解愁家國，輦下唯能憶弟兄。
旅館夜憂姜被冷，暮江寒覺晏裘輕。
竹門風過還惆悵，疑是松窗雪打聲。

送杜顛赴潤州幕

少年才俊赴知音，丞相門欄不覺深。
直道事人男子業，異鄉加飯弟兄心。
還須整理韋弦佩，莫獨矜誇玳瑁簪。
若去上元懷古處，謝安墳下與沈吟。

獨酌

五絕

窗外正風雪，擁爐開酒缸。
何如釣船雨，蓬底睡秋江。

江

歸家

穉子牽衣問歸來，何太遲。
共誰爭歲月，贏得鬢邊

綵

江樓

獨酌芳春酒登樓已半醺誰驚一行雁衝斷過江雲

寄遠人

終日求人卜回回道好音那時離別後入夢到如今

入商山

七絕

早入商山百里雲藍溪橋下水聲分流水舊聲人舊耳此迴嗚咽不堪聞

秋浦途中

晚唐詩鈔卷第三

七

十千

蕭蕭山路窮秋雨浙浙溪風一岸蒲為問寒沙新到鴈來時還下杜陵無

途中一絕

郡閣雅談云罷任浙西作

鏡中綵髮悲來慣衣上塵痕拂漸難惆悵江湖釣竿手却遮西日向長安

江南春絕句

千里鶯啼綠映紅水村山郭酒旗風南朝四百八十寺多少樓臺烟雨中

長安郡中偶題二首

兩竿落日溪橋上半縷輕煙柳影中多少綠荷相
倚恨一時迴首背西風

秋聲無不攪離心夢澤蒹葭楚雨深自滴階前大
梧葉千君何事動哀吟

題齊安城樓

鳴軋江樓角一聲微陽澌澌落寒汀不用憑欄苦
迴首故鄉七十五長亭

池州清溪

弄溪終日到黃昏照數秋來白髮根何物賴君千
遍洗筆頭塵土漸無痕

聖唐詩鈔卷第一

八

十一

入茶山下題水口草市絕句

倚溪侵嶺多高樹誇酒書旗有小樓驚起鴛鴦豈
無恨一雙飛去却迴頭

題禪院

觥船一棹百分空十歲青春不負公今日鬢絲禪
榻畔茶烟輕颺落花風

登樂遊原

長空澹澹孤鳥沒楊用修欲改爲
沒孤鴻趁韻誤萬古消沉向此中看
取漢家何似一作
事非業五陵無樹起秋風

赤辭

折戟沉沙鐵未銷，自將磨洗認前朝。
東風不與周郎便，銅雀春深鎖二喬。

泊秦淮

煙籠寒水月籠沙，夜泊秦淮近酒家。
商女不知亡國恨，隔江猶唱後庭花。

過勤政樓

千秋佳節名空在，承露絲囊世已無。
唯有紫苔偏稱意，年年因雨上金鋪。

鄭瓘協律

廣文遺韻留樗散，鷄犬圖書共一船。
自說江湖不

晚唐詩鈔卷第一

九

十
十
十

歸事阻風中酒過年年

寄揚州韓綽判官

青山隱隱水遙遙，秋盡江南草木凋。
二十四橋明月夜，玉人何處教吹簫。

送李羣玉赴舉

故人別來面如雪，一榻拂雲秋影中。
玉白花紅三百首，五陵誰唱與春風。

紀事云羣玉受相府之知進詩三百篇授麟臺讎校故云

贈別二首

娉娉裊裊十三餘，荳蔻梢頭二月初。
春風十里揚州路，卷上珠簾總不如。

多情却似總無情，唯覺樽前笑不成。
蠟燭有心還惜別，替人垂淚到天明。

山石榴

似火山榴映小山，繁中能薄艷中間。
一朵佳人玉釵上，祇疑燒却翠雲鬟。

鷺鷥

雪衣雪髮青玉觜，羣捕魚兒溪影中。
驚飛遠映碧山去，一樹梨花落晚風。

宮詞二首

蟬翼輕綃傅體紅，玉膚如醉向春風。
深闈鎖閉猶

晚唐詩鈔卷第二

十

十一

疑惑更取丹砂試辟宮

監宮引出暫開門，隨例須朝不是恩。
銀鑰却收金鎖合，月明花落又黃昏。

寓言

暖風遲日柳初含，顧影看身又自慙。
何事明朝獨惆悵，杏花時節在江南。

即事

把酒直須判酩酊，逢花莫惜暫淹留。
假如三萬六千日，半是悲啼半是愁。

秋夕

銀燭秋光冷畫屏，輕羅小扇撲流螢。
天階夜色涼如水，臥看牽牛織女星。

南陵道中

一作寄遠

南陵水面漫悠悠，風緊雲輕欲變秋。
正是客心孤迥處，誰家紅袖凭江樓。

遊邊

黃沙連海路，無塵邊草長。枯不見春日，暮拂雲堆。
下過馬前逢著射雕人。

寄題宣州開元寺

松寺曾同一鶴棲，夜深臺殿月高低。
何人爲倚東

晚唐詩鈔卷第二

十一

十下七

樓柱正是千山雪，漲溪

金谷園

繁華事散逐香塵，流水無情草自春。
日暮東風怨啼鳥，落花猶似隋樓人。

隋宮春

龍舟東下事成空，蔓草萋萋滿故宮。
亡國亡家爲顏色，露桃猶自恨春風。

華清宮

零葉翻紅萬樹霜，玉蓮開蕊暖泉香。
行雲不下朝元閣，一曲淋鈴淚數行。

三川驛伏覽座主舍人留題

舊跡依然已十秋
雪山當面照銀鈞
懷恩淚盡霜天曉
一片餘霞映驛樓

別王十後遣京使累路附書

重關曉度宿雲寒
羸馬緣知步步難
此信的應中路見
亂山何處折書看

十九兄郡樓有宴病不赴

十二層樓敞畫簷
連雲歌盡草纖纖
空堂病怯階前月
燕子嗔垂一桁簾

大夢上人自廬峰廻

晚唐詩鈔卷第三

十三

十一

行脚尋常到寺稀
一枝藜杖一禪衣
開門滿院空秋色
新向廬峰過夏歸

贈獵騎

已落霜鵬血尚新
鳴鞭走馬又翻身
憑君莫射南來鴈
恐有家書寄遠人

贈漁父

蘆花深澤靜垂綸
月夕煙朝幾十春
自說孤舟寒水畔
不曾逢著獨醒人

登澧州驛樓寄京兆韋尹

尹曾典此郡

一話澧陽舊使君
郡人迴首望青雲
政聲長與江

聲在自到津樓日夜聞

寄東塔僧

初月微明漏白烟
碧松梢外擡青天
西風靜起傳深夜
應送愁吟入夜禪

歎花

據言云牧佐宣城暮遊湖州刺史崔君張水榭使州人畢觀令牧開行閣奇標得垂碧者十餘處後十

四年牧刺湖州其人已嫁生子矣乃依而為詩云

自是尋春去校遲
不須惆悵怨芳時
狂風落盡深紅色
綠葉成陰子滿枝

邊上聞胡笳

何處吹笳薄暮天
塞垣高鳥沒狼煙
遊人一聽頭

晚唐詩卷第二

十一

十下

堪白蘇武爭禁十九年

子規

蜀地曾聞子規鳥
宣城又見杜鵑花
一叫一回腸

一斷三春三月憶三巴

10232

